

cum Ecclesiæ utilitate & præsidio decora jacturam fecerunt. Verum illustri tot meritorum, ad quorum præmia in cœlis à Pastorum Principe Jesu Christo accipienda evocatum esse confidimus, memoria modum luctui nostro ponere debet, & nobis invicem mœrentibus consolationem afferre, veram & præjucundam. Interea precibus & obsecrationibus apud misericordiarum patrem & Deum totius consolationis defuncto suffragari non omittemus. Et Nobilitati tuæ cœleste solatium deposcentes, atque ad Domûs tuæ commoda propensi Apostolicam Benedictionem tibi Dilecte fili Nobilis Vir peramanter impertimur. Datum Romæ apud S. Mariam majorem sub Annulo piscatoris Die XXVII. Augusti MDCCXLVI.

Pontificatus nostri Anno Septimo

Cajetanus Amatus

INSCRIPTIO

Dilecto filio Nobili Viro FRANCISCO
ERWINO Comiti DE SCHOEN-
BORN.